

Transkription von Urkunde SAW 1364a

Ort, Datierung: Salzwedel, 1364-07-08

Signatur: Stadtarchiv Salzwedel, III/22

Inhalt: Heilig Geist Kloster: Bewässerungsgenehmigung

Wī thomas prouest . Johannes p(ri)or . vnd di hele couent des closteres to deme hilghen gheste . vor
der stat / to Saltwedel . bekennen witleken . dat wī hebben laten . vnd laten in desseme brýue . den
wissen lúden . / den . . Ratmanne(n) der Olden stat to Saltwedel . vnd eren meynen borgheren . dat
water . van der mol/ne an . de vor der borch lit . binnen der Olden stat . vmme de borch . vnd vmme de
stat . bet vor dat nyge / dor . wente in den vlote vif rōden lang . to metende van der stat walle . an .
vpwart wente in den vlote . / also dat islich rōde scal hebben sesteyn rōte in de lenghe . Dit water
hebbe wī en ghe laten . met al/leme eyghen . nut . vnd rechtecheyt . also wī dat beseten hebben . also
dat de molner vor der borch . / syn möllenrecht beholde . To eyner bekantnisse desser Ding . hebbe wī
vses Couentes Ingheseghel . / an dessen brýf ghe henghet . de gheuen . vnd screuen is . na godes bort .
drútteynhundert iar . in deme / vervndsesteghesten iare . In Sūnte Kylianus daghe /